

den/ mit dem Erb- vnd bösen Belnde / Verfeimung des Hauptes / Mä-
Ärntgelle / Stummheit / Blindheit / Podagra / Haupte- vnd Rurre-
wehe / Seitenstechen / alten vnd gefährlichen offenen vnd friffgen
Schäden / völtzer Taubheit vnd bödem Behör / Lähme an Händen
vnd Füßen / geschwollenen Beinen vnd hitzigen Blattern / Rücken-
wehe vnd Stechen / mit dem Lenden Steine / Harwurme / mit der
Lähme vnd Blindheit / theils vom Schlage / theils auch von der Geo-
bitz / vnd Gefahr des Feuers rührend / mit dem Morbo Gallico, wel-
chen man die Frankosen nennet / mit contrahirung vnd von Zusam-
menschlingung des einen Fußes / mit Seiten- vnd Rippenbrüchen / mit
brennlichen Fiebern / blutrothen Augen / mit dem Bruche / Schlage /
vnd Schmecken in Arm vnd Beinen / mit steiffen auch lahmen vnd
krummen Händen / vnd geschwundenen dürrer Armen / mit den fistu-
liren Schäden / mit dem aufgebrochenen Aneurysma / sonst des
Kochlauff genannet / mit vnheilbaren vnd verwarloseten Schäden an
Beinen / von Büchsen vnd Geschos rührend / inficiret vnd beschwe-
ret gewesen sind.

Diese Quelle vnd herrlichen Brunnens Ursprung sol / var /
nach Aussage der Inwohner / ohne geschicht auff die achtzig Jahr al-
bereit am gemeldten Orte im Schwange gewesen seyn / wehre aber des-
sen Tugend vnd sege empfundene Krafft niemals so gar bekande ge-
wesen / vnd dannenhero auch der Brunnens selbst nicht sonderlich ge-
schree worden. Vnterdessen ist gleichwol vnlangsten / vnd zwar vmb
den Anfang des Monden Aprilis / oder wol gar / wie etliche vorgeben /
am heiligen Oker Tage / des noch laufenden 1639. Jahres / etwan
zwey oder drey Schrit weit von dem alten Brunnens eine ganz sel-
tsame vnd neue Quelle an vnverschtedenen Orten herfür gebrohen /
welche itzlich anzusehen / fast lustig vnd begierig hin vnd wieder vber
sich springet / vnd mit einem schönen frischen vnd gleichsam Christall-
nen Bächlein den Ort anzusehen sich stets bemühet.

Den Ort / an welchem das gedachte Brunnens Wasserlein seinen
ersten Ausbruch gewonne / ist zwar in einem nicht allzu tiefen Thale
gelegen / etwas gegen dem Stadtlein abhänget / mit einem fast
errockenen Rasen belegen / vnd ringsherumb mit stämmlichen hohen
Bergen vnd Gebörge ombgeben. Aufwärts gegen das S. Pao-
derborn vnd die Grenzen gegen Abend gelegen / befindet sich ein fast
errockt.